



HEinricus ille ex illustri principum Vandalorū familia prognatus, ob plurimas animi & corporis dotes eorum princeps constitutus fuit. Is Christianæ fidei cupidissimus religionem multis in locis cōfirmavit, atq; plurimas hinc inde ad mare Germanicū ecclesias erexit, anno 1160. Deinde quoq; multis Episcopis comitatus Hierosolymam petijt, atq; sua uirtute res Christianorum in Syria plurimū promouit. Domum reuersus Lubeckam urbem restaurauit, atq; ibidem Maioris ecclesiæ fundamenta collocauit, idēq; in Heinrici eius urbis Episcopi præsentia. pari feruore & Raeburgense templum edificauit, atq; multis dona-

rijs auxit. Cum autem plurimi hostes aduersus eum conspirarent, etiam ad urbes & arces suæ ditionis conuersus eas communiuit. Tandem cum Imperatore Friderico 1. pacem inijt, atq; magna laude inter alios principes suam uitam peregit. Crantz. lib. 5. Vandal. cap. 41.